

## “ Gi-gikendaan na wegonen izhi-miinigoowiziin? ”



### »»» ANOKII'AAGANAG EZHI-MIINIGOOWIZIWAAD

- » **GI-MIINIGOOWIZ JI-GIKENDAMAN** giishpin ayaamagak gegoon gaa-maanaadak gaa-dananokiiyin daabishkoo bichibowin.
- » **GI-MIINIGOOWIZ JI-DAGWIIYIN** ji-gagwe-gikendaman wegonen ge-maanzhidoodaagoyamban gaa-dananokiiyin.
- » **GI-MIINIGOOWIZ JI-AANWETAMAN** ji-anokiiwyin giishpin gegoon nga-izhise inendaman.

- » **GAAWIIN DAA-BAGIDINAASII GIDOOGIMAAM** JI-MAANZHIDOODAAG giishpin onji-gagwedweyin ono miinigoowiziwinan.

### »»» WEGONEN ANOKIIWIN MINO-AYAAWIN GAYE JI-MAANZHISESIWAN?

Ontario ayaamagan *Anokiiwin Mino-ayaawin gaye Ji-maanzhisesiwan Inaakonigewin (OHSa)* mii dash imaa izhi-miinigoowiziwaag gaa-anokiiwaad. Ozhibi'igaade aaniin ge-izhichigewaad gaa-anokii'iwewaad, gaa-niigaanishkamowaad gaye gaa-anokiiwaad **JI-MINOSEG IMAA GAA-DANANOKIING**.

### »»» AWENEN GE-DOOKISHKAAGOD IWE OHSa?

**GEAA GAKINA AWIYA** gaa-anokiid Ontario, gaawiin memwaach maamawiinowining ji-izhi-dibendaagozid, izhi-wiji'aa imaa OHSa.

### »»» GAA-ININD GAA-ANOKII'TWED JI-IZHICHIGED

Gaa-anokii'iwewaad gakina gegoon daa-izhichigewag JI-MIINOSENID GAA-ANOKII'AAWAAD GEGOON **JI-IZHISESIGWAA IGI ANOKII'AAGANAG**. —OHSa 25(2)(h)

### »»» ANOKII'AAGANAG GE-DOODAMOWAAPAN

Gegin gidizhise ji-doodaman ge-onji-minoseg gaa-dananokiiyin. Owe gi-daa-izhichige:

- » **BIMINIZHA'AN INAAKONIGEWIN** gaye gaa-inaakonigeng gaa-dananokiiyin ji-onji-mino-bimaadiziin.
- » **GIGISHKAN GAA-IGOOYIN JI-GIGISHKAMAN** ji-onji-wisagishinziwan megwaa anokiiyin, gi-gii-inig aaniish gidoogimaam ji-gigishkaman ini.
- » **ANOKIIN GAYE AYIZHIIN** ge-onji-mino-ayaayin, gaawiin awiya ji-onji-wisagishing.
- » **DIBAAJIMON** giishpin bichibowin gemaa wisagishing awiya, gidoogimaam ji-wiindamawad.



### »»» MIINIGOOWIZIWIN JI-GIKENDAMAN

Gi-miinigoowiz **JI-GIKINO'AMAAGOOYIN** owe onji:



**WEWENII JI-ANOKIYIN**



**JI-GIKENDAMAN AAN GE-IZHICHIGEYIN GICHI-GEGOON IZHISEG GEMAA WIISAGISHING AWIYA**

Gi-miinigoowiz **JI-WIINDAMAAGOOYIN** giishpin ayaagin bichibowinan gemaa aaniin ge-onji-wisagishing awiya gaa-dananokiiyin, daabishkoo owe:



**GICHI-AABAJICHIGANAN GAYE GODAK AABAJICHIGANAN**



**ANOKIING ENAKAMIGAK**



**MIIGAADIWIN GAGWAADAGI'WEWIN GAA-DANANOKIING**

OHSa ikido gidoogimaam **JI-GAGWE-GIBITINANG** tji-manaa-maanzhidoodaagooyin gemaa ji-onji-aakoziyin gegoon imaa gaa-dananokiiyin.

Maamaw **OHSa** gaye ayaawan inaakonigewinan gidoogimaam ge-doodangiban ji-gikino'amaagooyin ge-izih-anokiiyin. Daabishkoo owe:

- » Gidoogimaam daa-izhichige owe ji-debinaman **MINO-AYAAWIN GAYE GEGOON JI-IZHISESIWAN GAA-DANANOKIYIN JI-GIKINO'AMAAGOOYIN**.
- » Giishpin ayaagin **BICHIBOWINAN** gemaa godak gegoonan daabishkoo iwe, gii-anokiiyin, gi-daa-gikino'amaagoo aaniin ge-izhi-aabajitooyin ini gaye ji-gikendaman aan ge-ge-izhi-maanishkaagowamban gii-ayaayin besho imaa.
- » Godak ayaawan ge-maanishkaagowamban gii-anokiiyin, **GI-DAA-GIKINO'AMAAGOO** dash aaniin ge-ayizhiyin.



### »»» GIDINENDAAGOZ JI-DAGWIIYIN

Imaa **OHSa** gidoonji-inendaagoz ji-dagwiiyin ji-wiji'iweyin ji-minoseg imaa gaa-dananokiiyin awiya ji-maanzhisesig. Owe daa-izhichigewag imaa gaa-ayaawaad gaa-dananokiiyin giishpin de-dashiwaad:

#### JHSC

**OKOBIWIN JI-ANOKAADEG MINO-AYAAWIN** Aabita omaa gaa-abiwaad igi gaa-anokiiwaad imaa gidanokiiwining.

**20+** ANOKIIMAAGANAG

#### HSR

**MINO-AYAAWIN GAYE JI-ONJI-MAANZHISESIG AWIYA GE-ABIITANG** Bezhiig imaa gaa-anokiid daa-dagwii.

**6-19** ANOKIIMAAGANAG

- » **GAGWEDWEN** giishpin gaawiin gakina gikendanziwan gegoon.
- » Endaso-anokiimaagan inendaagozi **JI-DIBAAJIMOD GIISHPIN AYAAMAGAK GEGOON GAA-ONIZHISHINZINOG** imaa gaa-dananokiiing ji-wiindamawaawaad odoogimaamiwaan.
- » Gi-daa-wiji'aa **HSR** gemaa gaa-anokiid gaa-dagwiid imaa **JHSC JI-WAABANDA'IWED** giishpin gegoon onizhishinzing gaa-dananokiiyin.
- » **GI-DAA-WIJI'IWE** gemaa **GI-DAA-ASIGOOG** Maamowiinowining gaa-dibendaagoziwaad gemaa awiya gaa-anokiid gaa-dibendaagozid imaa JHSC.

### »»» GI-GIKENDAAN NA?

**APRIL 28** izhiseg Gaanada Aki ikidowag **Da-mikwenimaawag Miziwe Omaa** gaa-gii-nisindwaa gaa-anokiiwaad megwaa gii-anokiiwaad. 1984 gii-izhiseg gii-maajii-mikwenjigewag gaa-maamawiinowaad gii-ikidowag dash Gaanada Aki 1991 gii-izhiseg noongom dash awashime 100 akiin agaamakiing. Anokiimaaganag odinawemaaganiwaa dash gaye maamawiinowinan gaa-izhi-dibendaagoziwaad maamawibiwaag April 28 gii-izhiseg ji-mikwenimaawaad ini anokiimaagana gaa-gii-nibonid megwaa gii-anokiiwaad gemaa gii-bichishinowaad gii-anokiiwaad, omaa Gaanada Akiing gaye agaamakiing, e-atoowaad waabigoniin.

### »»» JI-AYAAMAGAK MINO-AYAAWIN GAA-DANANOKIYIN

Gagwe-gikendan iwe JHSC gemaa HSR. Ganoosh gaye gaa-wiidanokiimadwaa aaniin ezhiseg mino-ayaawin gidanokiiwining. Giishpin nakwetanzig gidoogimaam gidaa-izhichige ji-anokiisiwan giishpin ndaa-onji-maanzhidoodaagon imaa anokiyaan inendaman. Gidaa-ganoona Ogiimaa Anokiiwin Gaa-anokaadang omaa **1-877-202-0008** gemaa omaa inaabin [www.labour.gov.on.ca](http://www.labour.gov.on.ca)

### »»» GIDINENDAAGOZ JI-ANOKIISIWAN GE-IZHI-NANIIZANENDAMAN JI-DANANOKIYIN

Gidinendaagoz ji-anokiisiwan imaa gaa-izhi-naniizaanadak giishpin **INENDAMAN GEGOON E-IZHISEG** owe daabishkoo:

- » Giishpin iwe anokiiwin naniizaanendaagwak gemaa **AABAJICHIGANAN GAA-AABAJITOYIN** gi-daa-maaki'igonan inendaman gemaa imaa gaa-dananokiiyin gi-daa-onji-maaki'igon inendaman gemaa.
- » Gi-daa-ikid e-wii-anokiisiwan imaa giishpin ozaam **MIIGAADIWAAD IMAA GIDANOKIIWINING**.

#### AANIIN GE-IZHI-IKIDOYAMBAN E-WII-ANOKIISIWAN IMAA

#### 01

Giishpin wii-anokiisiwan imaa gaa-izhi-naniizaanendaman **ZHEMAAK WIINDAMAW GAA-ANOKII'IG GEMAA GIDOOGIMAAM**.

#### 02

Gaa-anokii'ig **INAAKONAA JI-NANAANDO-GIKENDANG** ji-wiji'igod JHSC gemaa HSR gaa-izhi-dibendaagozinid.

#### 03

Gi-daa-ayaa imaa gaa-izhi-naniizaanendaagozinog **GE-IZHI-MINO-AYAAYIN JIGIYA'II GIDANOKIIWINING**, baamaa ishkwaa-nanaando-gikenjigeng.

#### 04

**GIISHPIN INENDAMAN** giyaabi naniizaanendaagwan gaa-dananokiiyin gaa-ishkwaa-nanaando-gikenjigaadeg, gaa-anokii'ig odaa-ayaawaan **OGIMAA GAA-NAAGAJITOOD ANOKIIWIN** ji-bi-nanaando-gikendang iwe.



### »»» GAA-ANOKII'IG WII-MAANZHIDOODAWIG?

Giishpin inendaman gaa-anokii'ig ji-gagwe-maanzhidoodawig ozaam e-gii-ikidoyin enaniizaanendaagwak gaa-dananokiiyin, ozaam edazhindaman mino-ayaawin, gidaa-wiindamawaa Ogiimaa Anokiiwin Gaa-naagajitood gemaa Maamawiinowining gaa-dibendaagozid giishpin gegin imaa izhi-dibendaagoziyin.

Giishpin maamowiinowining izhi-dibendaagozisiwan giyaabi gi-daa-onji-wiji'igoo **OZHIBII'IGEWIGAMIGONG GAA-AYAAD ANOKIIMAAGANA' GAA-WIJI'AAD** (1-855-659-7744) gemaa **ANOKIIMAAGANA' MINO-AYAAWIN DIBAAKONIGEWIGAMIG** (1-877-832-6090). **GAAWIIN GI-MICHI-BEZHIGOSII!**



### »»» AANIIN GE-IZHICHIGEYAAN GIISHPIN AAPIJISHINAAAN GAA-DANANOKIYAAN?

Giishpin gaa-dananokiiyin gegoon gaa-izhiseyin megwaa anokiiyin gemaa gaa-maajii-aakoziyin maagizhaa bichibowin e-ayaamagak imaa ozaam besho gaa-**\_\_\_\_\_** dananokiiyin owe gidaa-**\_\_\_\_\_** izhichige.

**MASHKIKIWININI GIDAA-WAABAMAA** (dago mashkiki gemaa mino-ayaawin).

**WIINDAMAW GAA-ANOKII'IG** zhemaak.

**OZHIBII'AN GAKINA GEGOON** gaa-izhiseyin.